

Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

Quòd prohibuerit impia idolis sacrificia, & occulta sacra fieri, &
gladiatorum singulares pugnas, & Nili accalarum foedam intemperantiam.
Cap. XXV.

urn:nbn:de:hbz:466:1-29861

EVSEBII DE VITA

Quod externalium rerum quasi episcopum quendam se esse professus est.

CAP. XXIII.

EX quo etiam factum est ut cum episcopos nonnullos conuiuio exceperit: ipse se nobis audientibus episcopum appellaret: his ferè verbis. Vos inquit intra eccliam: ego extra eccliam à Deo episcopus constitutus sum. Itaq; cum quæ loquebatur eadem mente secum cogitaret, animum in omnes qui eius suberant imperio intentum habuit, hortatus pro virili, ut piam omnes vitam excoherent.

Quod prohibuerit impia idolis sacrificia, & occulta sacra fieri, & gladiatorum singulares pugnas, & Nili accoliarum fœdam intemperantiam.

CAP. XXV.

HA C etiam ratione adductus est, & recte sane, ut frequentibus legibus & edictis præciperet omnibus ne idolis immolarent: nec oracula curiosè sectarentur: nec statuas dedicarent: nec occulta sacrificia facerent: nec ciuitates crudeli & impia gladiatorum cede contaminaret: Cum vero apud Aegyptios & Alexandrię patrio more fluvius quidam ab hominibus mulierosis coleretur: ad hos etiam perlata lex est, qua cautum ut omnis hęc Androgynorum gens tanquam adulterina & spuria ē vita tolleretur: ne que cuique liceret, vel oculis intueri impura hac lascivia ægrotantes. Sed cum superstitioni existimarent, minime deinceps fluum pro consuetudine sua in agros suos effluxum: Deus fauens imperatoris legi, longè secus quam illi expectauerant vberimum flumen reddidit. Nam cum impura illa fex, quæ suis sordibus ciuitatem turpificasset, profus esset sublata: fluuius quasi repurgata expiataq; tota reione: maiore quam ante cursu ferebatur: & magnis ac abundantibus gurgitibus intumescens omnes agros quaqua versum irrigabat: tanquam re ipsa demonstraret homines impios & sceleratos renouendos esse: & ad Deum solum omnis salutis authorem omnium præclararum rerum causam esse referendam. Sed huius generis cum penè infinita ab imperatore singulis in prouincis gesta sint: magno sanè

ocio

ocio est ei opus & vacuo tempore: qui singula literarum monumentis persequi velit.

Quod legem de effetis latam correxerit: Simul etiam faciendi testamenti formulas emendauerit.

C A P V T X X V I .

Quemadmodum etiam si quis recensere cupiat quot leges ad maiorem aequitatem traducens è veteribus nouas fecerit. Quanquam quemadmodum id fecerit, exempli causa facile aliquis possit paucis verbis demonstrare. Quibus nulli essent liberi: hos veteres leges fœcundorum successionis ademptione plectebant. Dura sane contra infœcundos lex: quæ illos tanquam scelus aliquod admisissent, graui suppicio afficiebat. His ille sublatis legibus, sanxit: ut ad propinquos hæreditas deueniret: Summam in hoc corrigendo moderationem & aequitatē sequutus: cum ita sentiret, qui voluntario scelere se implicarent: digno suppicio coercendos esse: at multis liberos non voluntatem suam multorum liberorum cupidam: sed naturæ imbecillitatem denegasse: alios sine liberis vixisse, non quòd sobolis propagationem successionemq; abhorserent: sed quod acerrimum Philosophiæ amorem mulierib; connubio anteponerent. Præterea castitatem & inuolatam virginitatem multas mulieres sacris dicatas constanter retinuisse: cum omni puritate & sanctitate perfusa vita se totas corporibus & animis Deo consecrarent. Quid ergo? supplicio ne hoc dignum existimari debet, an potius admiratione quadam & approbatione? Etenim propensa in hoc genus vitæ voluntas magni facienda est: sed eam rectè factis tueri, & usque ad extremum persequi longe supra naturam est. Quibus igitur non ipsorum voluntas, sed naturæ imbecillitas liberos denegauit: eos misericordia non suppicio dignos esse: at diuinioris vitæ amatores non aliqua poena afficiendos: verum incredibili admiratione suscipiendos esse. Atque isto modo legem hanc imperator summa aequitate emendabat. Præterea cum veteribus legibus cautum esset, ut qui è vita excederent ipso extremo ferè spiritu certis & conceptis verbis testamenta componerent: atque adeo leges ipsæ, quibus ea sententiarum formulæ quibusque verbis scriberentur, definiarent: eaque res non

mini-